

LA USC DI LADINS – VENERDI' 7 SETTEMBRE 2012

“Festival des peuples minoritaires”

Dai 7 ai 9 de setember la Val d'Aosta endreza la IV edizion de l'event cultural leà a la mendranzes linguistiches

Mendranzes 2 - Da vèlch an en cà l'Assessorat a l'istruzion e cultura de la Region autonoma Val d'Aosta, con l'assessor Laurent Vierin, endreza n event per valorisèr l lengaz e la cultura de la mendranzes linguistiches, con conzerc, defilèdes, n spetacol de teater e scontrèdes sun temes de atualità, che chest an veit so

moment maor te na conferenza su la mendranzes tel temp de internet.

Te chesta IV edizion se podarà ence scutèr i conzerc de gropes de musega che vegn dai raions cernui chest an: l'Irlanda del Sud, la Louisiana e l Friul.

Insnet l program perveit la musica che mesceida folk, rock e

jazz di The Clannad e la partezipazion del ciantautor furlan Gigi Maieron e doman l'esplojon de colores di C.J. Chenier & Red Hot Louisiana Band e l virtuosism de Brice Miller and The Mahogany Brass Band. La manifestazion se serarà sù en domenia con na comedia musicala en patois, l lengaz local, dal titol “Torna avouì

me/ Torna con me” tel bel anfiteater roman de Aosta. Ence l Servije per la Promozion de la mendranzes linguistiches de la Provinzia autonoma de Trent l'é a Aosta te chisc dis con n stand espositif che met dant na cercia de prodoc editorièi, video e produzioni musicales de ladins, mochegn e cimbres.



L logo de l'event.